

admonere, vt confiteantur, vel saltim Matrimonium cum contritione vel attritione [est timata contritione] contrahant. ¶ Item debet scire impedimenta, quæ impediunt contrahendum, & quæ dirimunt contractum.

Quia aliàs non recte exequeretur suum officium, & Sacramêto Matrimonij injuria irrogaretur, dū inualide celebratur. Circa hæc omnia videat Curatus Concilium Tridenti. Sess. 24. vbi supra c. 2. 3. 4. vbi restringuntur impedimêta, &c. Quoniam hæc omnia pertinent ad officium suum. Et sciat quod impedimentum quod propter affinitatem ex fornicatione contractum, inducitur, ad eos tantum qui primo, & secundo gradu cōiunguntur, se extendit, vt Pius. 5. declarauit.

2 ¶ Debet etiam scire, quod benedictiones nuptiales dari non possunt ab Aduentu Domini nostri Iesu Christi, vsq; in diem Epiphaniæ, & à feria quarta Cinerum, vsq; in Octauam Paschatis inclusiue, in aliis vero tēporibus nuptias sollempniter celebrari permittit, Concil. Triden. vbi supra, cap. vltimo. de Reformat. Matrimonij. ¶ Et similiter scire debet quod istæ benedictiones nuptiales dari prohibentur quando vterq; illas recepit, cap. Capella